



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

学校名称 : 香港中文大学校友会联会陈震夏中学
Name of School : CUHKFAA CHAN CHUN HA SECONDARY SCHOOL
剧名 Name of Play : 制裁者
剧作者 Script writer : 余诗朗、钟泳桐、巫双如

故事大纲 Synopsis :

Alice 作为学校风纪队长，遭到诬蔑，可惜无人相信 Alice 的清白，最后黯然转校。

两年后，Alice 的妹妹 Alison 为了找出陷害姐姐的真凶，特意转校到姐姐的中学。Alison 的出现，一石激起千层浪，仿如有无形推手，令事件中的暗涌渐渐浮出水面。当年牵涉在 Alice 事件的 Lora, Snow, Bella 三人的关系亦出现变化!

究竟当年的 Alice 事件是谁主使？为何这件事会浮出水面？谁要为事件负责？

校园中的制裁者正在用自己的方式，还校园一份公义。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第一场

(灯亮。体育课，同学们围绕着班长轻声细语，班长貌似不太情愿。)

阿峰 : 就咁话㗎喇班长!

班长 : 我唔知得唔得㗎㗎

阿琳 : 你系咪唔想先?

班长 : 咁又唔系.....只不.....

老师 : 系咪拉好筋啦，班长?

众同学 : 拉好!

阿欣 : Miss, 班长有嘢想同你讲呀!

老师 : 咩事呀班长?

班长 : 喲同学想叫我问下...

阿珊 : 吓? 问咩呀?

(众同学退后一步，留下班长在前)

班长 : 喂呀，乜你哋咁㗎!

(对老师) Miss 啫系呢...其实都考完试啦...咁又最后一堂㗎...所以...啫系呢...不如呢...

老师 : 班长，接住。

(老师突然把锁匙抛向班长。)

老师 : 我知你哋想打球㗎喇，自己去开储物室啦，今堂自由活动!

众同学 : 多谢 Miss! 班长好嘢!

(众人涌上前开门，储物室灯区亮起，昏暗中见 Alice 及阿杰躺在地上，靠着对方沉睡。)

阿峰 : 点解有个人系到?

阿琳 : 依个咪 head-pre?

(Alice 被吵醒，迷迷糊糊未知发生何事。)

Alice : 我系边呀...?

阿珊 : Head-pre, 你系到训咗成晚呀?

Alice : 唔系呀...阿杰约咗我...

阿欣 : 系咪隔离个男仔呀

阿琳 : 吓，寻晚净系得你两个系度呀

阿珊 : 唔会挂，head-pre 唔系好乖嘅咩?

阿琳 : 你识人咩? 知人口面不知脑呀。

众同学 : 不知心呀!

阿峰 : 哦，你意思系佢两个系到...

阿琳 : 拿，我见到咩就讲咩架



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Alice : 而家几多点呀...?

(阿欣静静拿出手机拍照。)

老师 : 做咩搞咁耐嘅? 上堂做咩拎部手机出黎玩呀? (靠近 Alice? 你点解系到架?)

阿峰 : 呢度仲有个男仔呀!

阿琳 : 佢地系到过夜呀~~~

老师 : (对 Alice) 系咪真架? 你识嗰个男仔架?

Alice : 阿杰.....?

阿珊 : 佢连名都知架。

阿欣 : 哗, 大新闻呀! 等我影多两张相先!

(众同学拿出手机拍摄, 除班长。)

(众人继续拍照, 如记者般争相采访。)

(老师和班长阻挡人群。)

阿珊 : Head-pre 你对依件事有无啲咩具体回应呀???

阿欣 : 系咪因为做 head-pre 太大压力啊???

班班 : 你地唔好咁啦!

阿琳 : 可唔可以详细讲下你哋点解会喺里面成晚嘅???

阿峰 : 你唔回应系咪姐系默认呀?

(老师吹响哨子, 众人停下。)

老师 : 唔准影! 返学唔准带手机架! 即刻返上班房!

班长 : 唔好影呀, 收埋个手机! 听唔听到老师讲呀!

(老师和班长拉走阿峰、阿琳、阿欣、阿珊, 留下 Alice 一人。)

(灯转, Alice 缓缓站起步至舞台中央射灯区。)

Alice : 发生咗啲咩事呀?

(主任入。)

主任 : 应该系我问你先岩呀 Alice, 我同你讲过几次, Head-pre 嘅形像系好紧要架。

Alice : 唔系咁架何主任, 唔系好似啲人咁讲架。

主任 : 咁你知唔知依家啲同学点讲你呀?

(Lora 入。)

Lora : Head-Pre 人又靚, 读书又叻, 不过可惜唔系校花, 系水性阳花呢!

Alice : 我地真系咩都无做过架!

主任 : 你身为 Head-pre, 无论读书定操行都要做到最好!

Lora : Head-Pre 都系咁, 咁我地唔止拍拖, 直头埋生仔都得啦!

Alice : 何主任, 你听我解释吓! 系有人约我地去嗰到架, 我地一去到就比人困住啦。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

(Bella 入。)

Bella : Head-pre 真系 Head-pre, 讲个大话都唔同啲。

Alice : 我地又饿又渴, 咁岩入面有支水咪攞黎饮嘍, 点知一饮就第二朝啦。

Bella : 我依啲坏学生点敢判评 head-pre 咩, 反而仲几欣赏佢添!

(阿康入。)

阿康 : Alice?

Alice : 阿康? 阿康! 你要帮下我呀!

阿康 : 你真系做咗啲咁嘅事?

Alice : 我无呀! 你最清楚我架, 我地小学识到依家...

阿康 : 咁阿杰系你边个呀?

(雪儿入。)

雪儿 : 我都唔知系咪真架, 但听讲呢, Alice 暗恋咗阿杰好耐架啦。

Alice : 系 friend 嘍。

阿康 : 系普通朋友?

Alice : 系呀。

阿康 : 咁一系你同人讲系阿杰嘅错啊。

Alice : 你讲乜嘢呀?

阿康 : 将个责任推晒俾阿杰咪得嘍!

Alice : 但系我唔想喺唔清唔楚嘅情况下乱讲嘢嘞。

雪儿 : 定系阿杰真系你男朋友?

Alice : 我...我唔想系呢个时候搞到件事更加乱呀.....Sorry 呀阿康。

雪儿 : 我都唔想咁讲架...不过阿康, 佢当你系兵咋, sorry 呀。

Alice : 你咁姐系唔信我...

Bella : 又好难信得落嘅

(Bella 出。)

雪儿 : 唔好唔开心啦阿康。

(阿康默默地离去, 雪儿暗喜, 跟着阿康出。)

主任 : 你暂时唔好做 Head-pre 住, 由 second leader Lora 代替。

Lora : 系嘍~休息下嘍~我会做得好好睇睇架啦。

主任 : 至于你嘅处分.....等校长决定啦, Alice 我真系对你好失望。

(呢度全部出: 阿康, Bella, Lora, 雪儿)

(何主任, Lora 出。)

(Alice 孤立无援, 灯光渐退, 把 Alice 吞噬于黑暗之中。)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

(第一场完)

第二场

(同学甲意外被困在储物室中，Alison 路过。)

同学甲：(不断拍门)救命啊!!! 有无人喺度啊?

Alison：系咪有人喺度啊?

同学甲：系啊救命啊!! 储物室度门坏左，我反锁左喺里面啊!!!

Alison：咩话?(若有所思)

同学甲：快啲啦!(哭)我...我...就嚟濼啦.....

Alison：你忍多阵啊，我去叫校工帮手开门!

(Alison 出。)

(Lora, 雪儿分别入，互相看见对方，错愕。)

Lora：乜你都系到嘅。

雪儿：听到有人困住咗，咪黎睇下嘢。

Lora：我都系。

雪儿：嗯。咁睇下个人有无事先啦。

Lora：(对甲)我系 Head-pre Lora，岩岩有个 Prefect 话咗我知咩事架啦。

(Lora 尝试打开门，失败。)

同学甲：(VO) Lora? 咁几时先开到門呀?

Lora：好快就得架啦，你无事咁麻?

同学甲：(VO) 有啊，我好急呀，水浸喇!

(Bella 入。)

雪儿：Bella?

Lora：你都系到呀 Bella?

(Bella 尝试强行开门，撞门，拍门，不果。)

Lora：我叫咗人去搵校工开门架啦。

雪儿：Bella，唔好咁啦。

Bella：(继续尝试开门)我要救返你出黎.....

Lora：Bella!(尝试拉着 Bella)。

Bella：(退缩)我同你唔系好熟架咋。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

(三人停下，沉默不语。)

同学甲：点呀？开唔开到呀？

(Alison 带校工入。)

Alison：丽姐，依到呀。

校工：你地又搞乜呀，咁钟 h 意困住自己嘅？今次又几个个呀？

(校工用锁匙把門打开。)

(同学甲入。)

同学甲：哗，我几惊要系到过夜呀！

Alison：你无事就好啦。

校工：我讲咗好多次架啦，依道門就锁匙开，搵啲野顶住佢先好入去㗎。

同学甲：我知呀，我有顶住架。

校工：顶住又点会开到門呢？

同学甲：我都唔知呀，不如换咗个锁佢啦。

校工：换咗个锁佢？你不如换咗间学校佢啦！又唔見我会反锁咗系入面？你地都唔听人讲野嘅。

同学甲：我真系有顶住道門架！

校工：顶住又点会开到門呢？

(两人顶着嘴出。)

Alison：丽姐不嬲都咁多野讲架？

Lora：系呀，唔该晒你。你新黎架？

Alison：系呀，啱啱转校黎读中二，我叫 Alis.....。

三人：Alice？

(储物室灯区亮起。众人看着储物室，心中一惊。)

Alison：系 Alison，Alice 系我家姐黎。

雪儿：哦，唔好意思。

Bella：你家姐佢无事呀？

Alison：梗系无啦，学校啲人乱咁传姐。

Lora：无人想发生啲咁嘅事架。

Alison：又唔洗讲到咁，佢比人踢出校姐，又唔系死咗。你地识我家姐嘅？

Bella：识。

雪儿、Lora：唔识。

Lora：你系因为家姐先做 Prefect？

Alison：系呀，我要读返依间中学，做返 prefect，就系要搵出边个陷害我家姐！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

雪儿 : (试探) 佢比人陷害嘅?

Lora : 你咁肯定? 证据呢?

Alison : 我好清楚家姐唔系啲咁嘅人。

Bella : 你家姐系无辜架。

Alison : 你地都觉得系?

Lora : (抢先) 我地个个当时都系咁觉得嘅, 所以先咁难接受。

雪儿 : 系嘍, 你接受事实啦。

Bella : 乜事实系咁咩?

Lora : (对 Bella) 无人知个事实系点! (对 Alison) 有咩就搵我地帮手啦, 你返去你嘅岗位先。

Alison : 知道, Head-pre。

(Alison 出, 离开前回头看了一眼 Bella, 感到有所不妥。)

Lora : (对 Bella) 你无野呀? 系咪想一获熟呀?

Bella : 我忍够你啲烂鬼大话啦。

Lora : 系我地嘅大话呀, 你都有份架!

雪儿 : 你地唔好嘈啦, 佢啱啱话要查呀, 咁而家点呀?

Lora : 学校都查唔到, 佢一个中二生可以查到啲咩啊?

雪儿 : 咁由得佢呀? 会唔会有事架?

Lora : 有啲咩事姐, 我 head-pre 黎架麻。

雪儿 : 不过...

Lora : 唔好不过啦, 你继续同阿康开开心心咪得嘍。

(对 Bella) 我警告你唔好再乱讲野呀。

Bella : 我地唔瞒得好耐架咋。

(Bella 出。)

(第二场完)